



Rangkaian 5G dilaksanakan berperingkat di seluruh negara

Oleh Farah Marshita Abdul Patah - November 8, 2023 @ 7:22pm
farahmarshita@bh.com.my

KUALA LUMPUR: Pelaksanaan rangkaian 5G oleh Digital Nasional Berhad (DNB) di seluruh negara sedang dijalankan secara berperingkat.

Timbalan Menteri Komunikasi dan Digital, Teo Nie Ching, berkata kebanyakan pelaksanaan rangkaian 5G itu tertumpu di kawasan-kawasan berkepadatan tinggi dan mempunyai aktiviti ekonomi berimpak tinggi.

Setakat 31 Oktober lalu, beliau berkata, liputan kawasan berpendudukan (COPA) di seluruh negara telah mencapai 73 peratus.

"Kelantan pula sudah mencapai 45.5 peratus di mana pembinaan tapak 5G di Kelantan, DNB menyasarkan sebanyak 199 tapak 5G akan disiapkan secara berperingkat hingga Disember 2023.

"Setakat 31 Oktober lalu, sebanyak 132 tapak 5G siap dibangunkan, termasuk lima di Jeli, empat di Gua Musang dan dua di Kuala Krai," katanya pada sesi soal jawab lisan di Dewan Rakyat, hari ini.

Beliau menjawab soalan Zahari Kechik (PN-Jeli) mengenai status liputan capaian Internet 4G kepada 5G di kawasan pedalaman di Kelantan, terutama Jeli, Gua Musang dan Kuala Krai.

Nie Ching berkata, liputan 4G di kawasan berpenduduk di Kelantan setakat suku ketiga 2023 ialah 96.68 peratus, manakala di Jeli (86.17), Gua Musang (77.84) dan Kuala Krai (85.66)